

20 January 2025

समे .18:15 Hrs

<><><><><><>

Headlines

- अंतर मंत्रालय दी टीम नै राजौरी जिले दे बडहाल ग्रांS दा दौरा लाया। एहू टीम उत्थे होआ'रदी रहस्यमई मौतें दे कारणें दा पता लाग।
- उपराज्यपाल होरें अंगदान करने दा प्रण लैता। उनें आयुष्मान भारत अंगदान पर अपना पंजीकरण करोआया।
- सोपोर च होए दे टाकरे च इक सैनिक शहीद, अभियान अजें बी जारी।
- रक्षा मंत्री होरें युवाएं गी मुख् दी संपत्ति दस्सेआ। उनेंगी आखेआ जे ओहू गै राष्ट्र निर्माण ते राष्ट्र दी खुशहाली लेई योगदान देडन।
- मौसम विभाग नै कल्लै थ्वां 23 जनवरी तगर टामीं-टामीं थाहरें पर हल्की बरखा ते बर्फबारी होने दी पेशगोई कीती ऐ।

<><><><><><>

Inter-Ministerial Team

उच्चि सतह दी अंतर मंत्रालय टीम नै राजौरी जिले दे बडहाल ग्रां दा दौरा लाया तां जे पिछले 45एं दिनें दौरान त्रऊं परोआरें दे 17 लोकें दी रहस्यमयी मौतें दे पिच्छे दे कारणें दा पता लाया जाई सकै। आकाशवाणी संवाददाता नै जानकारी दिती ऐ जे गृह मंत्रालय आसेआ गठित कीती गेदी एहू टीम कल संझा राजौरी च पुज्जी गेई ही ते सीनियर जिला अधिकारियें सेहत ते पुलस अधिकारियें आसेआ टीम गी मौजूदा हालात दा ब्यौरा दिता गेआ। एहू टीम अज्ज बडुलै साड्डे 11 बजे बडहाल पुज्जी गेई ही ते उनें पीडित परोआरें कन्नै मलाटी कीती। इनें रहस्यमयी मौतें दे कारणें दा पता लाने लेई टीम नै अपनी जांच शुरू करी दिती ऐ।

<><><><><><>

LG-Organ Donation

उपराज्यपाल मनोज सिन्हा होरें अज्ज अंगदान करने दा प्रण पाया। एहूदे लेई उपराज्यपाल होरें सेहत ते परोआर कल्याण मंत्रालय दे आयुष्मान भारत अंगदान रजिस्ट्री पर पंजीकरण कीता। अंगदान ते टिशू ट्रांसप्लांट सरबंधी SOTTO दे नुमाइंदे राजभवन जाइयै अंगदान दा प्रमाण पत्र उपराज्यपाल होरें गी सौंपेआ। एहूदे शा पैहले उपराज्यपाल होरें कल भारतीय जैन संस्थान आसेआ आयोजित इक कार्यक्रम च अंगदान प्रति अपनी इच्छा जाहिर कीती ही।

<><><><><><>

## Dy. CM Handicrafts

उपमुख्यमंत्री सुरिंद्र चौधरी होरें अज्ज जम्मू-कश्मीर दी दस्तकारी गी राश्ट्रीय ते अंतरराश्ट्रीय सतह पर बढ़ावा देने दी जरूरत पर बल दिता ऐ। उपमुख्यमंत्री होरें एह गल्ल अज्ज जम्मू-कश्मीर सेल मेले दा उद्घाटन करदे होई आक्खी। इस मेले च ऊन ते रेशम दे उत्पादें गी बदर्शाया गेआ। इस दौरान उपमुख्यमंत्री होरें जम्मू-कश्मीर उद्योग गी निर्देश दित्ते जे ओहू इयै नेहू कार्यक्रम जम्मू-कश्मीर च ते खित्ते दे बाहरें बी करोआने दी संभावनाएं दा पता लान तां जे जम्मू-कश्मीर दी दस्तकारी ते विरासती उत्पादें गी दर्शाया जाई सकै। एहू सेल मेला अगले 10 दिनें तगर जारी रौहगा।

<><><><><><>

## Shamsher-Singh

भारती जनता पार्टी दे नेता ते राज्यसभा थ्वां साबका मिम्बर शमशेर सिंह मन्हास हुंदा काल होई गेआ ऐ। ओहू 65 बरें दे हे। उंदा जम्मू दे पलोडा इलाके च स्थित उन्दे निवास पर काल होआ, ओहू शि चिरें थ्वां कसरी चला रदे हे। बीजेपी नेता मूजब मन्हास होरें गी नमीं दिल्ली दे एम्स अस्पताल च भर्ती करवाया गेआ हा, पर उंदी हालात खराब होई गेई। उन्दे परौटार आहलें उनेंगी जम्मू वापस लेई आए ते अज्ज उनें अपने घर खीरी साहू लैता। उपराज्यपाल मनोज सिन्हा होरें शमशेर सिंह मन्हास हुंदा काल होई जाने पर दुख ते बसोस जाहिर कीता ऐ। अपने सौगी स्नेह च उपराज्यपाल होरें आखेआ जे ओहू म्हेशां लोकें दी भलाई-बेहतरी लेई बचनबद्ध रेया। उपराज्यपाल होरें उन्दे परोआर, दोस्तें ते शुभचिंतकें प्रति अपनियां संवेदना जाहिर कीतियां।

<><><><><><>

## Reasi-Mushroom

महिला सशक्तिकरण ते आत्मनिर्भर बनने दी मसाल न रियासी जिले दियां महिलां जेड़ियां खुम्बें दी पैदावार राएं आमदन कमा'रदी ऐ। एहूदे कन्नै मकामी महिला सशक्त होआ रदियां, माली तौर पर आत्मनिर्भर बनिए अपने-अपने परोआरें गी मदद करा रदियां न। इयै जनेइएं महिलाएं चा इक ऐ अनीता देवी ऐ जेड़ियां अज्ज इक्क उद्यमी बनी चुकी दियां न ते होरनें गी बी प्रेरित करा रदियां न। घट्ट संसाधनें ते राई-बाई मैहकमे आसेआ दित्ती गेदी सिखलाई राएं उन्दे खुम्बें दी पैदावार आहला कम्म शुरू कीता। अज्ज ओहू सलाना इक्क लक्ख रपे थ्वां बहू कमा रदी ऐ। अपनी सफलता दी कहानी सांझा करदे होई अनीता नै आखेआ।

<><><><><><>

## Special Train

महाकुंभ 2025 लेई यात्रुएं दी सुविधा लेई श्री माता वैश्वो देवी कटरा ते प्रयागराज बश्कार 3 विशेष ट्रेनां चलाने दी घोशणा कीती ऐ। एदे कन्ने उत्थे जाने आहले श्रद्धालुएं गी सहूलत होग। इसदा मकसद यात्रुएं गी सूचारु ते रमानदारी आहली यात्रा दा अनुभव प्रदान करना ऐ। कटरा थ्वा विधायक वलदेव राज शर्मा होरें इस जतन दी सराहना कीती कीती ते आक्खेआ जे इस

जतन गी लोकें दी खरी प्रतिक्रिया हासिल होआ र दी ऐ। मीडिया कन्ने गल्ल करदे होई उनें आखेआ

<><><><><><>

### Operation-Gujjarpatti

सोपोर दे गुज्जरपट्टी इलाके च सुरक्षाबलें ते आतंकवादियें बश्कार छिडे दे टाकरे च इक सैनिक शहीद होई गेआ। एहू टाकरा कल संझा उस्सलै शुरू होआ हा जिसले सोपोर दे गुज्जरपट्टी इलाके च चलाए गेदे इक तपाशी अभियान दरान आतंकवादियें सुरक्षाबलें दे जवानें पर फायर खोल्ली दिता हा। उआं रातीं लै नेहरा होने करी गोलीबारी बंद होई गेई ही, पर बडुलै मूंह न्हरे थमां गै परतियै शुरू होई गेई जिस दौरान इक सैनिक जख्मीं होई गेआ हा। उसी फौरी तौरा पर अस्पताल पजाया गेआ, जित्थे इलाज दौरान ओहू वीरगति गी प्राप्त होई गेआ। अभियान जारी ऐ ते होर ब्यौरे गी बलगेआ जा'रदा ऐ।

<><><><><><>

### Defence-Minister

रक्षा मंत्री राजनाथ सिंह होरें आखेआ जे युवा राष्ट्र दी संपत्ति न जेडे मुल्लबै दी तरक्की बाद्दे ते राष्ट्र निर्माण च योगदान दिंदे ना। अज्ज दिल्ली च एनसीसी गणतंत्र दिवस कैंप 2025 च अपने संबोधन दौरान उनें आखेआ जे भारत दी संस्कृति गी 140 करोड़ भारतीयें दी इकजुटता जोड़ियै रक्खदी ऐ ते हर इक माहनु दा विकास समाज दे विकास गी दर्शादा ऐ। रक्षा मंत्री होरें लोकें गी आग्रह कीता जे ओहू अनुशासन, एकता ते राष्ट्रीय अखंडता गी तरजीह देन कीजे इयै तरक्की दी बत्तै पर राष्ट्र निर्माण दे स्तम्भ ना।

<><><><><><>

### Weather

मौसम विभाग नै 22 ते 23 जनवरी गी जम्मू संभाग दे पदरें इलाकें च हौली थमां दरम्याने दर्जे दी बरखा बरी सकदी ऐ ते केई उच्चे पहाड़ी इलाकें च बर्फबारी दी बी मेद ऐ। तोआई जम्मू-श्रीनगर राष्ट्री जरनैली शिडक एनएच-44 पर गड्डिएं दी आओजाई दौनें बक्खी दा बवस्था आहले ढंगै'नै जारी ऐ। ऊआं लोकें गी एहू सलाहू दिती गेई ऐ जे ओहू अपनी-अपनी लेन च पूरे अनुशासन कन्नै गड्डी चलान ते दिनै दे बेल्ले गै सफर करन। तोआई राजौरी ते पुंछ जिलें गी कश्मीर घाटी दे शोपियां जिले कन्नै जोड़ने आहली ऐतिहासक मुगल रोड केई थाहरें पर भारी बर्फ किट्टी होने करी अजें बी गड्डिएं दी आओजाई लेई बंद ऐ।

<><><><><><>

### Udh. Road Widening

उधमपुर कस्बे च रश गी घट्ट करणे दे मकसद कन्नै शैहर च 2 किलोमीटर लम्मी शिडक गी चैडा ते दो लेन आहला बनाने लेई केंद्र सरकार नै खास फंड दी मंजूरी दिती ऐ। इस कम्मै गी सीमा

शिङ्क संगठन आसेआ उधमपुर दियां डिप्टी कमिशनर सलोनी राय होरें चला रदे कम्मै दा जायजा लैता ते मौके पर सरबन्धित अधिकारिणं गी हिदायतां दित्तियां। आकाशवाणी समाचार कन्नै गल्ल करदे होई उधमपुर दियां डिप्टी कमिशनर सलोनी राय होरें आखेआ।

<><><><><><>

### Announcement

आकाशवाणी जम्मू दे खेत्तरीय समाचार एकांश आसेआ कठुआ जिले लेई अंशकालिक संवाददाता लेई दरखास्तां मंगियां गेइयां ना। इच्छुक आवेदक जेदी उमर 24 थवां 50 बरें दे बश्कार ऐ ते ओहू कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा अनुभव होना लोडचदा। मेदवार गी कम्प्यूटर खबर बनाने, मीडिया कवरेज दा अनुभव सने सरबन्धी लोडचदे उपकरण दा इस्तेमाल बी करना आना चाइदा। आवेदक जिला सदर दफ्तर दी 10 किलोमीटर दी हद दे दे अंदर-अंदर रोहंदा होना चाइदा। दरखास्त ते लोडचदे दस्तावेज दी कॉपी मेदवार गी खेत्तरीय समाचार एकांश आकाशवाणी पंजतीर्थी जम्मू पिन कोड 18000 पर 15 फरवरी 2025 थवां पैहले-पैहले आइए जमा करोआनी होग। इस बारै व्यापक जानकारी आकाशवाणी दी वेबसाइट [www.newsonair.gov.in](http://www.newsonair.gov.in) पर उपलब्ध ऐ।

<><><><><><>

### Post-Deptt.

भारत दे संविधान दे 75 बरे पूरे होने दे सरबन्धै च डाक विभाग नै नमी दिल्ली दे राष्ट्रीय डाक टिकट संग्रहालय च त्रै दिन दे कार्यक्रम दा सरिस्ता कीता ऐ। इसदे च हर उमरी दे लोकें आस्तै मनोरंजक ते आकर्षक कार्यक्रम होआ र दे ना। इसदा मकसद नागरिकें गी संविधान च निहित मूल्यें पर विचार करने आस्तै प्रेरित करना ऐ ते कन्ने गै एकता ते राष्ट्रीय गौरव दी भावना गी बढावा देना ऐ। समारोह दौरान प्रदर्शनी, प्रश्नोत्तरी, स्टैप सफारी ते पत्र लेखन प्रतियोगिता दा आयोजन कीता जाग। संचार मंत्री ज्योतिरादित्य सिंधिया होरें अज्ज डाक टिकट संग्रहालय दा दौरा लाया।

<><><><><><>